

智巧渾如拙聰明卻似癡可憐千古意不許等閒知

病眼

病眼惟觀物塵心只慕緣政如蠶作繭來去自纏綿

著相

著相終難造求言未可知向人拈不出相對只揚眉

燭焰

燭弄風前焰漚翻水上波不尋安穩地生滅竟如何

心昧

莫向經中覓何勞相上尋博通今古事昧卻本來心

回頭

道藏輯要

雲山集

古

昇集六
川川八

休探水底月莫認空中花兩足何常動回頭卽是家

今古

交臂成今古擡頭革故新一團空幻事謾殺利名人

塵冗

塵冗何須錄浮生未足誇好栽無影樹疎卻有情枷

生滅

落絮因風起飛花逐水流古今無定迹生滅有時休

塵心

塵心忙似火世事冗如麻不省光陰促紛紛逐落花

無盡藏